

ՆՈՐԱԿԱԶՄ ԲԱՌԵՐ «ՀԱՆԴԷՍ ԲԱՆԱՍՏԵՂԾԱՑ» ԽՈՐԱԳՐՈՎ
ՁԵՌԱԳԻՐ ԲԱՌԱՐԱՆ ՆԵՐՈՒՄ (ԺԲ.-ԺԴ., ԺԷ., ԺԸ. ԴԱՐԵՐ)

Նագիկ Յովհաննիսեան

Ներածութիւն

Գրաբարի եւ միջին գրական հայերէնի բառապաշարային տարբերութիւնների գլխաւոր աղբիւրները, ինչպէս իրաւացիօրէն նկատուել է, նաեւ բառային նորաբանութիւններն են¹: «Հանդէս Բանաստեղծաց» խորագրով ձեռագիր բառարանները հետազոտողները հաւաստել են, որ դրանց «մանրազնին ուսումնասիրութիւնը ի յայտ կը բերի բաւական նոր բառեր, որոնք ժամանակին գործածական են եղել մեր գրականութեան ու ժողովրդական խօսուածքի մէջ²: Արձանագրուել է, որ այդպիսի բառեր գործածուել են ժամանակի համար նորաստեղծ, այսօր մեզ անյայտ երկերում, կամ էլ դրանք կերտել են բանարուեստի ուսուցիչները, ճարտասանները եւ այլք³: Ըստ հետազոտողների ցանկացած ժամանակաշրջանի գրական լեզու «իր բառային կազմում ունի նաեւ նորակերտ բառեր, որոնք ուսուցողական եւ այլ նպատակներով... պիտի որ արտացոլուած լինեն տուեալ շրջանում կազմուած բառարաններում⁴: Նշուել է նաեւ, որ միջին հայերէն գրուած բնագրերում աւելի շատ են հանդիպում նորաբնոյթ կամ նորակազմ հոմանիշ բառեր⁵: Ասուածն անվերապահօրէն

վերագրելի է նաեւ հոմանիշների ժԲ.-ԺԸ. դարերից աւանդուած ձեռագիր բառարաններին, որոնցում առկայ, բայց գրաբարի տպագիր բառարաններում չարձանագրուած բառերը կարելի է նորակազմութիւններ դիտել: Եւ քանի որ այս ձեռագիր բառարանները չունեն բնագրային վկայութիւններ, հետեւաբար փորձ է արւում այդ բառերի գոյութիւնը հաստատելու հայերէնի բառակազմութեան առանձնայատկութիւններով, հետագայում լոյս տեսած բառարաններով, հնարաւորութեան դէպքում նաեւ բնագրային օրինակներով:

Նորակազմ բառերի քննութիւն

Նորակազմ բառերը քննելիս կարեւորւում է, թէ որ դարից աւանդուած գրչագրում են դրանք վկայուած, հետեւաբար այդ բառերը ստորեւ ներկայացուած են ըստ դարերի. նախ ժԲ.-ԺԳ., ապա հետագայ դարերից աւանդուած գրչագրերում վկայուողները:

Մեսրոպ Մաշտոցի անուան Մատենադարանի ձեռագրերից⁶ (այսուհետեւ՝ ՄՄ) ժԲ.-ԺԳ. դարերից աւանդուած ՄՄ թիւ 5596-ում (225բ) եւ ՄՄ թիւ 4612-ում (177ա) Գիծ. տառք հոմանիշների բառաշարքը⁷ աւարտուած է գծաւորք բառով:

1 Ակնարկներ միջին գրական հայերէնի պատմութեան, հտ. Ա, Եր., 1972, էջ 246:
2 Գ. Գասպարեան, Հայ բառարանագրութեան պատմութիւն, Եր., 1968, էջ 36: Տե՛ս նաեւ Լ. Ամալեան, Միջնադարեան Հայաստանի բառարանագրական յուշարձանները (V-XVդդ.), Եր., 1966, էջ 130:
3 Լ. Ամալեան, Հայ միջնադարեան բառարանագրութիւնը, Եր., 2007, էջ 80:
4 Նոյն տեղում:

5 Ռ. Ղազարեան, Լեզուաբանական ուսումնասիրութիւններ, Եր., 2010, էջ 156:
6 Յուցակ ձեռագրաց Մ. Մաշտոցի անուան Մատենադարանի, հտ. Ա-Բ, Եր., 1965-1970:
7 Լ. Ամալեանը «Հանդէս բանաստեղծաց» խորագրով ձեռագիր բառարանները քննելիս նշում է. «... բառարանում հոմանիշներն իսկական շարք չեն կազմում, ... յիշեալ բառարանի բառախմբերում կան բազմաթիւ բառեր, որոնք հոմանիշ չեն հիմնաբառին», եւ դա նկատի ունենալով է ինքը

Գրաբարի տպագիր բառարանները վկայում են գծատրուքի մասին «գծագրութիւն յար եւ նման. տպաւորութիւն. նկարագիր»⁸, Երեմիայ Մեղրեցին «կերպարան, կամ նկարագիր, կամ նշոյլ նշանակութեամբ»⁹, Մանուէլ Զախախեանը յաւելում է՝ «տիպ, պատկեր»¹⁰: Գծատր-ը յիշատակում է Մխիթար Սեբաստացին՝ նշելով «ունեղ զգիծ. կամ ունեղ զգիր. կամ նկարացեալ իմաստները»¹¹: Հրաչեայ Աճառեանը գծատր-ը վկայում է «նոր բառեր-ի շարքում»¹²: Ստեփան Մալխասեանցն արձանագրում է «գծեր ունեցող, գծուած նշանակութիւնը»¹³, որն էլ ամրագրում են արդի հայերէնի բառարանները: Յատկանշական է, որ այն առկայ է Մխիթարեան միաբանութեան հայերի թարգմանած երկերում («...ամենայն բաժանման եւ ստորաբաժանման երկու եւեթ լինիցին մասունք. եւ թէ սոքա երկու երկու գնայցեն թափօրապէս. ըստ որում ինքն զտարած քանակն փոխանակ ընդ այլոց ի գիծ, ի մակերեւոյթ եւ ի հաստատուն բաժանելոյ, ասէր նախ մեծութիւն է գիծ

կամ գծաւոր ինչ, եւ ապա թէ գծաւոր է մակերեւոյթ կամ հաստատուն»¹⁴: Հետեւաբար արձանագրելի է, որ գծատր բառն առաջին անգամ վկայում է ԺԲ.-ԺԳ. դարերից աւանդուած գրչագրերում:

Ռուբէն Ղազարեանը, միջինհայերէնեան շրջանի համար նշելով, որ «բուն ժխտական նախածանցներից գործունը միայն ան- նախածանցն է, որը կազմում է հիմնականում ժխտական կամ բացառողական իմաստով ածականներ, մասամբ էլ մակբայներ»¹⁵, Ներսէս Շնորհալու առականերից (հանելուկներից) քաղում է ան- ժխտական նախածանցով կազմուած, միայն հանելուկներում վկայուող «ակն- յայտ նորակազմութիւններ»¹⁶:

«Հանդէս բանաստեղծաց խորագրով ձեռագիր բառարաններում (այսուհետեւ՝ ԶԲ), միեւնոյն բառակազմական ձեւոյթով ան- նախածանցով, կազմուած բառերով առանձնանում է Անհաս հենաբառով ՀԲԾ-ն, որում առաջըրում են անպարիմանալի. անիմանալի. անսահմանելի. անըմբռնելի. անպա-

գործածում «հոմանիշային խումբ տերմինը» (Հ. Ամալեան, Հայ միջնադարեան բառարանագրութիւնը, էջ 65): Ընդունելով Հ. Ամալեանի դիտարկումը՝ պայմանականօրէն կիրառում է հոմանիշների բառաշարք ձեւակերպումը, այսուհետեւ՝ ՀԲԾ: Պահպանում է ձեռագիր բառարանների ուղղագրութիւնը:

8 «Նոր բառգիրք հայկազեան լեզուի». Երկասիրութիւն երից վարդապետաց Հ. Գարիէլի Աւետիքեան, Հ. Խաչատրոյ Սիրմելեան, Հ. Մկրտչի Աւգերեան (այսուհետեւ՝ ՆՀԲ), Վեներտիկ, հտ. I, 1836, էջ 562: «Առձեռն բառարան հայկազեան լեզուի» (այսուհետեւ՝ ԱԲ), 2-րդ տպ., Վեներտիկ, 1865, էջ 219: (Աշխատութիւնների եւ բառարանների խորագրերը տրում են ըստ տիտղոսաթերթերի՝ պահպանելով ուղղագրութիւնը):

9 «Բառգիրք հայոց» (այսուհետեւ՝ ԲՀ), Քննական բնագիրը, առաջաբանը եւ ծանօթութիւնները Հ. Մ. Ամալեանի, Եր., 1975, էջ 67:

10 «Բառգիրք ի բարբառ հայ եւ իտալական Յօրհնեալ ի Հ. Մանուէլ վարդապետէ Զախախեան» (այսուհետեւ՝ ԶԲ), Վեներտիկ, 1837, էջ 366:

11 Բառգիրք հայկազեան լեզուի բաժանեալ յերկուս հատորս արարեալ ի Մխիթարայ վարդապետէ

Սեբաստացոյ (այսուհետեւ՝ ԲՀԼ), Վեներտիկ, 1749, էջ 187:

12 Հ. Աճառեան, Հայերէն արմատական բառարան (այսուհետեւ՝ ՀԱԲ), հտ. Ա, Եր., 1971, էջ 556: Հարկ է թերեւս արձանագրել, որ Հ.Աճառեանը տարբերակում է նորագիտ և նոր բառերը՝ վերջինների համար նշելով. «Բայց յատուկ ջանք գործ դրի իւրաքանչիւր արմատի դէմ դնելու նրանց յօրինուած նորակերտ աշխարհաբար բառերը, ինչ որ անշուշտ օգտակար պիտի լինի նոր հայերէնի լիակատար բառարան կազմելու պարագային» (տե՛ս ՀԱԲ, հ. Ա, էջ 8):

13 Ստ. Մալխասեանց, Հայերէն բացատրական բառարան (այսուհետեւ՝ ՄՀԲԲ), հտ. I, Եր., 1944, էջ 450:

14 Արուեստ բանական կամ տրամաբանութիւն Փրանկիսկոսի Սոսէի. Փոխեաց ի հայ հ. Արսէն վ. Անթիմոսեան Մխիթարեանց, Վեներտիկ, 1825, էջ 300:

15 Ռ. Ղազարեան, Լեզուաբանական ուսումնասիրութիւններ, էջ 137:

16 Ռ. Ղազարեան, Միջին հայերէնի բառապաշարը, Եր., 1993, էջ 25:

րունակ/ելի. անայլանուն. անպարագրելի. աներեւելի. անբաւելի. անճառելի. անքովանդակելի. անհասանելի. անտանելի. անայլայլելի. աներեւելի. անբաւելի. անճառելի *եւ աւելի քան 35 այլ բառեր*¹⁷: Այս առնչութեամբ յիշատակելի է Հրաչեայ Աճառեանի այն դիտարկումը, որ «մետրոպեան հայերէնը չգիտէ մի խումբ բառեր, որոնք սովորական են յետին հայերէնի մէջ»: Նա առանձնացնում է նաեւ «անմասնիկով կազմուած բացասական բառերը, որոնք «չեն կարող իրենց վերջում կրել -ելի մասնիկը», եւ որպէս «յետին» թուարկում անշարժելի, անայլայլելի, անխախտելի, անասանելի բառերը¹⁸: Վարագ Առաքելեանը, անդրադառնալով Հրաչեայ Աճառեանի «Վիեննայի միլիթարեանների նկատած գանազանութիւնները» ընդհանրացնելուն, Աստուածաշնչից, Խորենացու, Եղիշէի, Եզնիկի, Փարպեցու, Բուզանդի, Բարսեղ Կեսարացու երկերից առանձնացնում է մասնաւորապէս վերոնշեալ դիտարկմանն առնչուող այգպիսի բառեր՝ «դիտողութեան կարգով նշելով, որ «այդ կարգի կազմութիւնները

սկզբնապէս սակաւ են, բայց, այնուամենայնիւ, կան, եւ դրանց հետեւութեամբ յետագայ գրողները յաճախել են դրանք»¹⁹: Գոհար Մուրադեանը անհասանելի, անճառելի, անասանելի, անքննելի եւ «ժխտական մասնիկով ու «լի» վերջածանցով՝ այլ «բայածականներ» դասական հայերէնում դիտում է յունարանութիւնները²⁰:

ԺԴ դարից աւանդուած ՄՄ թիւ 2371 (282ա), 3937 (55բ), 4149 (351բ), 8198 (56բ, 64ա)-ում²¹ վերոնշեալ ՀԲԾ-ում, առկայ է անայլայլելի բառի առաջրութեամբ վկայուող ան- նախածանցով եւ այլանուն բառով բաղադրուած անայլանուն կազմութիւնը²²: Այլանուն-ը վկայում են Գուխտոն Լուսինեանը՝ դրանով մեկնելով *Hétéronymie*-ը²³, Ստեփան Մալխասեանցը՝ «ուրիշի կամ այլ անուն, որով մեկը հրատարակում է իւր գրուածքը. կեղծանուն՝ նշանակութեամբ եւ «հազուադէպ բառ նշումով (ՄՀԲԲ, հտ. I, էջ 77), Աշոտ Սուքիասեանը՝ «Տարանուն բացատրութեամբ»²⁴: Ուստի սոյն բաղադրութեան բառարաններում արձանագրուած լինելը հնարաւորութիւն է ընձեռում

17 Անհաս հեմարառով ՀԲԾ-ն ասարտում է «...եւ զառ ի յորոց յոչ գինչէն: այլ գոր ինչ ոչն է նշանակէ: եւ այլեւս սոցին նման: Եւ ահա աստուած, ի վեր քան զբան և զփորձ և զբառն և զմիտս և զասհման և զհասս. վերագոյն քննեցեալ... և որ այլևս զվնի սոցունց և նման. և ահա աստուած» Ակարագրութեամբ (ընդգծ. Ն.Հ.), որն էլ ակնյայտօրէն հաւաստում է Անհաս→Աստուած իմաստային անցումը: «... որ է աստուած» արտահայտութեամբ ակարտում է նաև Լոյս հեմարառով ՀԲԾ-ն. ինչպէս իրաւացիօրէն նշում է Վ. Ղազարեանը, «միջնադարեան հայ եւ լատին գրականութեան մէջ լոյսի բազմախորհուրդ բառային գործածութիւնները (claritas, splendor, resplendentia fulgar, lux, lumen, illumino, lucidus, illustro) եղել են սովորական: Նարեկացու տաղերում Քրիստոսը դիտուել է «արեգակ, լոյս, ճառագայթ, հուր եւ այլն» (Վ. Ղազարեան, Սարգիս Պիծակ, Եր., 1980, էջ 15):

18 Հ. Աճառեան, Հայոց լեզուի պատմութիւն, II Մաս, Եր., 1951, էջ 86-87:

19 Վ. Առաքելեան, Ակնարկներ հայոց գրական լեզուի պատմութեան (V դար), Եր., 1981, էջ 92-93, 98-99:

20 Գ. Մուրադեան, Յունարանութիւնները դասական հայերէնում, Եր., 2010, էջ 85-86:

21 Գրչագրերի համեմատութիւնից Ակատելի է, որ թէեւ ՄՄ թիւ 4149-ը Անհաս հեմարառով ՀԲԾ-ով եւ բառերի կոպիտ այբբենական դասաորութեամբ ձեռագիր բառարան է, բայց այդ հեմարառով եւ Ապարանք ու Աստուածազան հեմարառով ՀԲԾ-ներով՝ յետագայ դարերից աւանդուած, բառերի կոպիտ այբբենական դասաորութեամբ գրչագրերում անայլանուն բառը չի վկայում:

22 Հարկ է նշել, որ այն նախ վկայում են ԺԲ.-ԺԳ. դարերից աւանդուած ՄՄ թիւ 5596 (221ա), 4612 (173բ)-ը, որոնցում, սակայն, չկայ անայլայլելի բառը:

23 Գուխտոն Լուսինեան, Նոր քաղաքի պատկերազարդ ֆրանսահայ, հտ. I, A-H, Փարիզ, 1900, էջ 1033:

24 Ա. Սուքիասեան, Հայոց լեզուի հոմանիշների բառարան (այսուհետեւ՝ ՀԼՀԲ), Եր., 1967, էջ 34:

ընդունելու նաեւ «այլ անուն չունեցող՝ իմաստով, ժխտական ան- նախածանով ա- նայլանուն կազմութեան գոյութիւնը, որով զրչագրերում բնութագրուած է Աստուած:

Կարելի է նաեւ ընդունելի համարել, որ անայլանուն-ը անայլալուն բառի սխալ գրու- թիւնն է. վերջինը վկայում են Մխիթար Սե- բաստացին՝ «անայլայելի. կամ անփոփոխ (ԲՀԼ, էջ 35 (64)), «չբոփոխուող, չբփոփոխու- ւող իմաստով»²⁵, Ստեփան Մալխասեանցը՝ «Տ. Անայլայելի՛ և «Հագուազէպ բառ կամ նշանակութիւն՝ (ՄՀԲԲ, հտ. I, էջ 87), այլեւ ՀԼՀԲ-ն՝ «տե՛ս Անայլայլ նշումներով (էջ 37): Գրաբարի բառարանները վկայում են անայլայլուկ-ը յղելով՝ «Տ. Անյեղյեղուկ (ՆՀԲ, հտ. I, էջ 106: ԱԲ, էջ 41):

Նմանատիպ կազմութիւն է ԺԸ. դարից աւանդուած ՄՄ թիւ 566 (II)-ում²⁶ նոյն ՀԲԾ-ում (280ա), առկայ անայլահատու-ը: Բառարաններում այլահատու-ի հայ մատե- նագրութեան մէջ վկայուող «ուրիշ հաւատ- քի տէր՝ (ԲՀԼՄՄ, էջ 17 (630)), «որ է յօտար կրօնից կամ ի հաւատոց՝ (ՆՀԲ, հտ. I, էջ 86: ԱԲ, էջ 34), «ունեող զօտար կամ զմոլար հա- ւատս՝ (ՁԲ, էջ 53), «Տ. Այլակրօն՝ (ՄՀԲԲ, հտ. I, էջ 77) նշանակութիւններն են²⁷, որոնց օգնութեամբ էլ անայլահատու-ը կարելի է մեկնել որպէս «ուրիշ հաւատք չունեցող՝ նշանակութիւն, որով դարձեալ զրչագրե- րում բնութագրուած է Աստուած:

ՄՄ թիւ 4149-ում՝ Ռաճ. ճանապարհ. շաւիղ. պողոտայ. կոտ. բազմակոխ. շառսիղ ՀԲԾ-ում (361բ-362ա), վկայուող յոգնընթաց բազադրութեան առաջին բազադրիչի յոգն «չատ, բազում՝ արմատի համար Հրաչեայ

Աճառեանը նշում է, որ «սրանից ունինք կազմուած բազմաթիւ ածանցներ (ԱԲ ունի 135 հատ), որոնք սովորաբար յետին են՝ «հնագոյններ-ից վկայելով չորսը (յոգնա- գոյն, յոգնագնալի, յոգնաճարակ, յոգնաշ- նորհ) (ՀԱԲ, հտ. Գ, էջ 402): Վերջին ընթաց բազադրիչը նոյնպէս հայերէնում գործուն է. «Հայոց լեզուի յանգաբառարան-ում առկայ են բազմաթիւ կազմութիւններ²⁸: Հետեւաբար ընդունելի է հայոց լեզուի բառարաններում չարձանագրուած «չատ շարժում ունեցող, բանուկ» նշանակու- թեամբ սոյն նորակազմութիւնը:

Նոյն զրչագրում՝ Վտանգ հենաբառով ՀԲԾ-ում (362բ), խոշոշել եւ առոգել բայե- րին հաւելուած արտաթափել բայը վկայում է միայն Մխիթար Սեբաստացին՝ Վախցնել բառայօգուածում առադրելով նաեւ արտա- րեկել, արտարեկ առնել, արտաթափ առնել բա- յերը (ԲՀԼՄՄ, էջ 598 (1627)): Վերջին յա- րադրական կազմութիւնը քաղուած է Եղի- շէի երկից՝ որպէս նորայայտ բառ²⁹: Յատ- կանշական է, որ ԺԷ. դարից աւանդուած ՄՄ թիւ 5925-ում (100բ) արտաթափանք բառն է: Գրաբարի բառարանները նշում են արտաթափ եւ արտաթափումն բառերը, ո- րոնք վկայում են նաեւ ՄՀԲԲ-ն (հտ. IV, էջ 280), ԺՀԼԲԲ-ն (հտ. IV, էջ 345), ԱՀԲԲ-ն (էջ 1342):

ԺԷ. դարից աւանդուած ՄՄ թիւ 3170- ում՝ Հոյակապ հենաբառով ՀԲԾ-ում (172բ- 173ա), առկայ է հոծախիտ բառը: Այն վկայ- ւում է գերմանացի փիլիսոփայ, աստուա- ժաբան Ալբերտ Մեծի երկի «ի մեծամեծաց

25 «Բառգիրք հայկազէան լեզուի», Արարեալ բազ- մատրոն, եւ աչպորք ճգանօք՝ յաշակերտաց ամենապատիւ տէառն Մխիթարայ մեծի արքայի, եւ թարունապետին Սեբաստացոյ (այսուհետեւ՝ ԲՀԼՄՄ), հտ. II, վէճետիկ, 1769, էջ 20 (633):

26 ՄՄ թիւ 566-ում առկայ է 2 բառարան՝ «Նշա- նաբումն նոյնանշան բառից ըստ դասաւո- րութեանց մերոց տառից՝ (էջ 234 բ-279 ա) եւ

«Համդէս բանաստեղծաց փաղանունարար ստո- րոգիւ նորավարժիցն սակս բառ է գեղջուկ՝ (էջ 278 բ- 300 ա), ուստի 2-րդը նշում է ՄՄՁ 566 (II):

27 Այս իմաստներն արձանագրում են նաեւ արդի հայերէնի բառարանները:

28 Տե՛ս «Հայոց լեզուի յանգաբառարան», Եր., 1976, էջ 581-58: Տե՛ս նաեւ՝ ՀԱԲ, հտ. Բ, էջ 125-126:

29 Ռ. Դազարեան, Հ. Աւետիսեան, Նորայայտ բառեր գրաբարում, Եր., 2007, էջ 94:

վարդապետաց մերոց» հայերէն թարգմանութեան մէջ («...գոյն ըստ որում է ի հոծախիտ մարմինսն»)՝³⁰։ Բառն արձանագրում է Մխիթար Սեբաստացին «հոծ եւ խիտ, սաստիկ խտտացեալ նշանակութեամբ (ԲՀԼ, էջ 545 (590)), այլեւ Լեւի լեցուն բառայօդուածում ամենալից, գերահոծ եւ այլ բառերի առաջըմամբ (ԲՀԼՍՄ, էջ 226 (1255))։ Ստեփան Մալխասեանցը, յիշատակելով նոյն իմաստով, այն համարում է «հագուադէպ բառ (ՄՀԲԲ, հտ. III, էջ 125)։ Յատկանշական է, որ թէեւ այս բառը վկայակոչուած է համացանցում («Ծաղիկները հաւաքուած են ծաղկափթթութեան մէջ, որոնք տարբեր աստիճանի հոծախիտ ողկոյզներ կամ հուրաններ են»)՝³¹, սակայն առկայ է միայն Յովհաննէս Բարսեղեանի կազմած բառարանում՝³²։

Մանկատես բաղադրութիւնն է նոյն դարից աւանդուած ՄՄ թիւ 516-ում Համբակ. կացի. պարմանի. մանկալկերպ. արբուն. մանկութիւն. հասակ. յատիս ՀԲԾ-ում (107բ)։ Այն արձանագրում է «Հայոց լեզուի հոմանիշների բացատրական բառարան-ը յղելով «եռեխայադէմ ... (մանկական դէմք ունեցող)՝ բացատրութեամբ Մանկադէմ-ը»³³։ Մանկատես-ը վկայուած է Չարենցի անտիպ բառարանագրում թիւ 33-ում։ «Մանկալկերպ փաստական նիւթի հիման վրա» գրուած ատենախօսութեան մէջ («Գծային հեքիաթում թզուկները անանուն, մանկատես տղամարդիկ են, որոնք զբաղուած են հանքափորի

մրոտ աշխատանքով»)՝³⁴, մամուլում («Ոչ միայն մանկատես էր, այլեւ մանկամիտ»)՝³⁵։

ՄՄ թիւ 566 (II)-ում Պատրուակեալ. քողասուզեալ. ծածկեալ. խորամանգեալ. սուտ դիմաւք. խորախորհուրդ. պատենաւոր. խորհրդաւոր. քողաքորբեալ. առագաստեալ. աներեւակի. ի դարանի. գաղտնի. որջասուզեալ. ընդ քունով. ընդ գրուանաւ. արուեստի պատուեալ ՀԲԾ-ն (293բ) եզրափակուած է զանխլակի բառով։ ԺԲ.-ԺԳ. եւ յետագայ դարերից աւանդուած գրչագրերում Չանխուլ հենբառն է։ Գրաբարի բառարաններն արձանագրում են զանխլաբար, զանխլանամ, զանխլանք, զանխլութիւն, զանխուլ բառերը (ՆՀԲ, հտ. I, էջ 713-714։ ԱԲ, էջ 286)։ Մխիթար Սեբաստացին զանխլակի-ն յիշատակում է Չանուծուն չհանելով բառայօդուածում՝ առաջընդունելով անբարբառ. անմոռնչ. անշշոռնչ. լոելեան. լոելեայն. զանխուլ. զանխլաբար. գաղտագողի. առանց ոտնաձայնի բառերը (ԲՀԼՍՄ, էջ 372 (1401))։ Միեւնոյն բառայօդուածը եւ համարեա նոյն բառաչարքն է վկայում էջուարդ Հիւրմիւզեանը՝³⁶։ Չանխլակի-ն՝ «զանխուլ կերպով, ծածկաբար, լոելեայն իմաստով եւ «հագուադէպ բառ նշուծով, վկայում են Ստեփան Մալխասեանցը (ՄՀԲԲ, հտ. II, էջ 8), «Հայոց լեզուի նոր բառարան-ը յաւելելով «զաղտնորէն, զաղտնաբար»³⁷։ Ղեւտնդ Ալիշանը զանխլակի-ն գործածում է իր աշխատասիրութիւններում («զանխլակի խոյս տուեալ, «սորա իրազեկ լեալ,

30 Համաօտուութիւն աստուածարանութեան երանելոյն Մեծին Ալբերտին, Թարգմանեցեալ ի վաղնջոց ժամանակաց, ի մեծամեծաց վարդապետաց մերոց, ի յաթին լեզուէ ի հայ բարբառ, Վեճեւոյկ, 1715-1716, էջ 88։
 31 <https://khachaturghoyan.wordpress.com/category/%D5%AF%D5%A5%D5%B6%D5%BD%D5%A1%D5%A2%D5%A1%D5%B6%D5%B8%D6%82%D5%A9%D5%B5%D5%B8%D6%82%D5%B6/page/2/>
 32 Լ. Բարսեղեան, Հայերէն ուղղագրական-ուղղախօսական-տերմինաբանական բառարան, Եր., 1973, էջ 588։

33 Ա. Սուքիասեան, Հայոց լեզուի հոմանիշների բացատրական բառարան, Եր., 2009, էջ 728։
 34 councils.yasu.am/pdf_files/009/2017/009-Armine_Danielyan.pdf
 35 https://tert.nla.am/archive/NLA%20TERT/Azg91/2010/28_ocr.pdf
 36 Եղ. Հիւրմիւզեան, Բաղադրք յաշխարհաբառէ ի գրաբառ հանդերձ յաւելուածովք ոճոյ եւ դարձուածովք նախնեաց ի պէտս դպրոցաց, Վեճեւոյկ, 1869, էջ 572։
 37 Հայոց լեզուի նոր բառարան, Աշխատասիրեցին՝ Գ. Ըրեւեան, Փ. Կ. Տօնիկեան, Ա. Տեր Խաչատուրեան, հտ. I, Պէլրոթ, 1992, էջ 597։

զանխլակի ծանուցմամբ իշխանուհւոյն, «զօր եւ ծանոյց զանխլակի»³⁸, «Համառօտս իմն բովանդակեալ զամենայն ծանուցանէ զանխլակի»³⁹:

Նահաիշխան-ը առկայ է միայն ՄՄ - թիւ 556(II)-ում՝ Գահերէց. Ասխադաս. Ասխա- զահ. Ասխամեծար. Ասխլիկն. առաջին. առաջնա- կարգ ՀԲՇ-ում (282թ): Հրաչեայ Աճառեանի Հաւաստմամբ «առաջ, առաջուց. 2. գլխա- ւոր, հինը, առաջինը՝ նշանակութիւններով Ասխ-ից «ածանցուած են բազմաթիւ բառեր (ԱԲ ունի 409 ձեւ), որոնց մեծագոյն մասը յետին է՝ (ՀԱԲ, հտ. Գ, էջ 419): Յատկանշա- կան է, որ Նորայր Բիւզանդացին նախ ար- մատով բաղադրուած շուրջ 25 բառ է ար- ձանագրում ԺԱ.-ժԷ. դարերի մատենագ- րութիւնից յիշատակելով Ասխաֆաւտ, Աս- խամեղ, Ասխապապ, Ասխամամ, Ասխապետ եւ այլ բառեր»⁴⁰: Նախ եւ իշխան արմատներով բաղադրուած Ասխաիշխան կազմութեանը վերագրելի է «իշխաններից առաջինը, գլ- խաւորը նշանակութիւնը»:

Նոյն ՀԲՇ-ում վկայուող առաջնակարգ բառը զբաբարի բառարանները չեն վկա- յում. այն կարելի է բառային տարածամա- նակեայ տարբերակ դիտել՝ առադրելի զբա- բարի բառարաններում «Յառաջագոյն կարգեալ. եւ Առաջին կարգաւ (ՆՀԲ, հտ. II, էջ 334), «1. առաջուց կարգաւորած. 2. կարգով առաջ (ԱԲ, էջ 585) իմաստներով առկայ յառաջակարգ-ին: Առաջնակարգ-ն

արձանագրում են Հայոց լեզուի բառարան- ները՝ «բարձրորակ, առաջին կարգի, առա- ջին տեսակի, ընտիր, լաւագոյն, առաջա- ւոր, առաջնահերթ, խիստ կարեւոր իմաստ- ներով (ՄՀԲԲ, հտ. I, էջ 220: ԺՀԼԲԲ, հտ. I, էջ 174-175: ԱՀԲԲ, էջ 104)»⁴¹ :

ԺԸ. դարից աւանդուած ՄՄ թիւ 9992- ում՝ Բնութիւն. անտառախիտ. բազմաշաւիղ. ծառոց. ծաղկոց. դրախտ. տփուտ. մացառ. մայրի. խոռվայրք ՀԲՇ-ում (4թ), առանձնա- նում է տերեւափթիթ բառը⁴², որն արձա- նագրում է Մխիթար Սեբաստացին «տես զտերեւազարդ յղումով (ԲՀԼ, էջ 1118 (1177): ԲՀԼՄՍ, էջ 388 (1001)), այլեւ յիշա- տակում «Տերեւներով զարդարուած կամ զարդարող՝ բառայօղուածում (ԲՀԼՄՍ, էջ 627(1656)): Բառն առկայ է նաեւ Մխիթար Սեբաստացու եւ Գրիգոր Փէշտըմալեանի կազմած բառարաններում՝ Գրեակ բառայօ- ղուածում («է թուփ ինչ բազմածիւղ. որոյ շիւղքն են իբր թզաչափ տերեւափ- թիթ...»)»⁴³. Այն գործածում են նաեւ Մխի- թարեան միաբանութեան Հայրերը («Տեր- եւափթիթ որթ ուռազարդ յոլորապտոյտ պարունակ Ողջագուրեալ երկնաբերձ բունէ վերաթեւէ բարունակ»)»⁴⁴, «Արձագանք՝ զրականական եւ քաղաքական պատկերա- զարդ շաբաթաթերթը (ԺԹ. դ.)»⁴⁵:

Այսպիսով՝ քննութեամբ պարզուում է, որ «Հանդէս բանաստեղծաց խորագրով ձե-

38 Հ. Ղեւոնդ Վ. Ալիշան. Սիսուան համագրութիւն Հայկական կիլիկիոյ և Լևոն Մեծագործ», Վեներ- տիկ, 1885, էջք 52, 426, 508:

39 Հ. Ղեւոնդ Վ. Ալիշան, Հայաստան յառաջ քան զլիանելն Հայաստան, Վեներտիկ, 1904, էջ 243:

40 Նորայր Ն. Բիւզանդացի, Բառագիրք ստորին հայերէնի ի մատենագրութեանց ԺԱ.-ժԷ. դա- րոց, ԺՆԵ, 2000, էջ 548-549:

41 Հայոց լեզուի նոր բառարան, Աշխատասիրեցին Ա. Տէր Նաչատուրեան, Հ. Գանգրուցի, Փ.Կ. Տօ- ցիկեան, Պէլրոյթ, 1968, էջ 32: «Հայոց լեզուի նոր բառարան», հտ. I, էջ 180:

42 Յատկանշական է, որ ԺԴ. դարից աւանդուած ՄՄ թիւ 4149-ում սաղարթափթիթ բառն է:

43 ԲՀԼՄՍ, էջ 113 (136): Բառգիրք Հայկազեան լեզուի որ է երկասիրութիւն Փեշտըմալեան պատուելի Գրիգոր մեծիմաստ վարժապետի», հտ. I, Կ.Պօլիս, 1844, էջ 260:

44 Տաղք Մխիթարեան վարդապետաց, հատոր առաջին, Վեներտիկ, 1852, էջ 172:

45 «... մի՞թէ միւսնոյն տպարարութիւնն են թողնում ազատ բնութեան մէջ բուսած ահագին տերեւափթիթ և ծաղկազարդ ծառի ճիւղի վերայ հանգստացող արտոյտի դիտողութիւնն և... սեղանի վերայ դրուած, խոտով լցրած, չորացած և մի փայտի կտորի վերայ ամրացրած արտոյտն». [https://tert.nla.am/archive/NLA%20TERT/Ardzaganq/1890/1890\(14\)_ocr.pdf](https://tert.nla.am/archive/NLA%20TERT/Ardzaganq/1890/1890(14)_ocr.pdf)

ուզիր բառարաններում վկայուող վերոնշեալ նորակազմ բառերը, ինչպէս նկատել են հետազոտողները, ամենայն հաւանակաւորութեամբ, գործածել են ժամանակակիցները. դրանք առկայ են Մխիթար Աեքաստացու (ԺԸ. դ.) կազմած բառարանում, Մխիթարեան հայերի (ԺԹ. դ.) աշխատասիրութիւններում. ըստ բառարանների՝ մի քանիսը պահպանուել են հայոց լեզուի արեւելահայ եւ արեւմտահայ տարբերակներում:

Օգտագործուած գրականութիւն

Ալիշան Ղ., Հայաստան յառաջ քան գլինելն Հայաստան, Վենետիկ, 1904:

Ակնարկներ միջին գրական հայերէնի պատմութեան, հտ. Ա, Եր., 1972:

Աճառեան Հ., Հայոց լեզվի պատմութիւն, II Մաս, Եր., 1951:

Ամալեան Հ., Միջնադարեան Հայաստանի բառարանագրական յուշարձանները (V-XV դդ.), Եր., 1966:

Ամալեան Հ., Հայ միջնադարեան բառարանագրութիւնը, Եր., 2007:

Առաքելեան Վ., Ակնարկներ հայոց գրական լեզուի պատմութեան (V դար), Եր., 1981:

Արուեստ բանական կամ տրամաբանութիւն Փրանկիսկոսի Սոաւէի. Փոխեաց ի հայ հ. Արսէն վ. Անթիմոսեան Մխիթարեանց, Վենետիկ, 1825:

Գասպարեան Գ., Հայ բառարանագրութեան պատմութիւն, Եր., 1968:

Համառօտութիւն աստուածաբանութեան երանելոյն Մեծին Ալբերտին, Թարգմանեցեալ ի վաղնջուց ժամանակաց, ի մեծամեծաց վարդապետաց մերոց, ի լաթին լեզուէ ի հայ բարբառ, Վէնէտիկ, 1715-1716:

Հազարեան Ռ., Լեզուաբանական ուսումնասիրութիւններ, Եր., 2010:

Հազարեան Ռ., Միջին հայերէնի բառապաշարը, Եր., 1993:

Հազարեան Վ., Սարգիս Պիծակ, Եր., 1980:

Մուրադեան Գ., Յունաբանութիւնները դասական հայերէնում, Եր., 2010:

Սիսուան համագրութիւն Հայկական Կիլիկիոյ և Լեւոն Մեծագործ, Հաւաքեալ ի հ. Ղեւոնդեայ վ. մ. Ալիշան, Վենետիկ, 1885:

Տաղք Մխիթարեան վարդապետաց, հտ. I, Վենետիկ, 1852:

Բառարաններ

Աճառեան Հ., Հայերէն արմատական բառարան, հտ. Ա, Բ, Գ, Եր., 1971, 1973, 1977:

Առձեռն բառարան հայկազնեան լեզուի, 2-րդ տպ., Վենետիկ, 1865:

Բառգիրք ի բարբառ հայ եւ իտալական Յօրինեալ ի Հ. Մանուէլ վարդապետէ Զախջախեան, Վենետիկ, 1837:

Բառգիրք հայկազնեան լեզուի բաժանեալ յերկուս հատորս արարեալ ի Մխիթարայ վարդապետէ սեբաստացւոյ, Վէնէտիկ, 1749:

Բառգիրք Հայկազնեան լեզուի որ է երկասիրութիւն Փեշտրմալճեան պատուելի Գրիգոր մեծիմաստ վարժապետի, հտ. I, Կ.-Պօլիս, 1844:

Բառգիրք հայկազնեան լեզուի, հատոր II, Արարեալ բազմատքուն, և աչալուրջ ճգանօք յաշակերտաց ամենապատիւ տեառն Մխիթարայ մեծի արքայի, և բարունապետին սեբաստացւոյ, Վէնէտիկ, 1769:

Բառգիրք հայոց, Քննական բնագիրը, առաջաբանը և ծանոթութիւնները Հ. Մ. Ամալեանի, Եր., 1975:

Բարսեղեան Հ., Հայերէն ուղղագրական-ուղղախօսական-տերմինաբանական բառարան, Եր., 1973:

Բիւզանդացի Ն., Բառագիրք ստորին հայերէնի ի մատենագրութեանց ԺԱ-ԺԷ դարուց, Ժնեւ, 2000:

Հուսինեան Գ., Նոր բառգիրք պատկերազարդ ֆրանսահայ, հտ. I, A-H, Փարիզ, 1900:

Հայոց լեզուի նոր բառարան, Աշխատասիրեցին՝ Գ. Ծէրէճեան, Փ. Կ. Տօնիկեան, Ա. Տէր Խաչատուրեան, հտ. I, Պէյրուս, 1992:

Հայոց լեզուի նոր բառարան, Աշխատասիրեցին՝ Ա. Տէր Խաչատուրեան, Հ. Գանգրունի, Փ.Կ. Տօնիկեան, Պէյրուս, 1968, էջ 32:

Հայոց լեզուի հանգաբառարան, Եր., 1976:

Հիւրմիւզեան Եղ., Բառգիրք յաշխարհաբառէ ի գրաբառ հանդերձ յաւելուածովք ոճոյ եւ դարձուածովք նախնեաց ի պէտս դպրոցաց, Վենետիկ, 1869:

Ղազարեան Ռ., Աւետիսեան Հ., Նորայայտ բառեր գրաբարում, Եր., 2007:

Մալխասեանց Ստ., Հայերէն բացատրական բառարան, հտ. I, Եր., 1944:

Նոր բառգիրք հայկազեան լեզուի, Երկասիրութիւն երից վարդապետաց Հ. Գարրիէլի Աւետիքեան, Հ. Խաչատրոյ Սիւրմելեան, Հ. Մկրտչի Աւգերեան, Վենետիկ, հտ. I, 1836:

Սուքիասեան Ա., Հայոց լեզուի հոմանիշներ ի բառարան, Եր., 1967:

Սուքիասեան Ա., Հայոց լեզուի հոմանիշների բացատրական բառարան, Եր., 2009:

Մաշտոցի անուան Մատենադարանի ձեռագրերի ցուցակներ և ձեռագրեր

Ցուցակ ձեռագրաց Մ. Մաշտոցի անուան Մատենադարանի, հտ. Ա-Բ, Եր., 1965-1970:

ՄՄ թիւ 516, 566 (II), 2371, 3170, 3937, 4149, 4612, 5596, 8198, 9992 .

Էլեկտրոնայի կայքեր և յղումներ

<https://khachatureghoyan.wordpress.com/category/%D5%AF%D5%A5%D5%B6%D5%BD%D5%A1%D5%A2%D5%A1%D5%B6%D5%B8%D6%82%D5%A9%D5%B5%D5%B8%D6%82%D5%B6/page/2/>

[https://hy.wikisource.org/wiki/%D4%B1%D5%B6%D5%BF%D5%AB%D5%BA_\(%D5%89%D5%A1%D6%80%D5%A5%D5%B6%D6%81\)](https://hy.wikisource.org/wiki/%D4%B1%D5%B6%D5%BF%D5%AB%D5%BA_(%D5%89%D5%A1%D6%80%D5%A5%D5%B6%D6%81))

councils.ysu.am/pdf_files/009/2017/009-Armine_Danielyan.pdf

https://tert.nla.am/archive/NLA%20TERT/Azg91/2010/28_ocr.pdf

<https://tert.nla.am/archive/NLA%20TERT/Ardzaganq/>